



UNIVERSITÄTS-
BIBLIOTHEK
PADERBORN

**DE VITA || ET MORIBVS IGNA-||TII LOIOLAE,|| QVI
SOCIETATEM IESV || fundauit, Libri III.|| Auctore Ioanne
Petro Maffeo, pres-||bytero Societatis eiusdem.|| Ex
auctoritate superiorum.||**

Maffei, Giovanni Pietro

Köln, 1585

VD16 M 110

Ignatij obitus. Cap. XXIII.

[urn:nbn:de:hbz:466:1-68259](https://nbn-resolving.org/urn:nbn:de:hbz:466:1-68259)

tia cunctis euauit. si quidem Marcel-
 lus altero & vicesimo die quàm Ponti-
 fex declaratus fuerat, febris extinctus;
 ingēti omnium luctu Christianam rē-
 publicam orbam ac debilitatam reli-
 quit.

Ignatij obitus. Cap. XXIII.

SVcessit Marcello Paulus eo no-
 mine quartus, qui, cum propter nō
 nullas interpositas offensiones acerri-
 mus nostri ordinis inimicus fore puta-
 retur, hominum opinionem longe fe-
 fellit. Nam & in Ignatium ipsum, cun-
 ctis admirantibus, perhonorificum se-
 se præbuit; & Societatem multis rebus
 decorauit, auxitq; : & nostrorum ho-
 minum opera maximis in rebus Eccle-
 siæ plurimum vsus est: & de fundando
 collegio seu academia, quam in Vrbe
 Ignatius magno reipublice Christiane
 bono instituerat, serio cogitauit. Hunc
 Pontificem inter & Philippum Catho-
 licum Regem exorto graui & pericu-
 loso bello, quod breui deinde compo-
 situm est; cuncta misceri, compleri ar-
 matis Vrbs; tympanorum, ac tormen-

R torum

torum horrifico ftrepitu omnia perfonare, pacis artibus parum admodum loci effe. Quocirca Ignatius pertæfus temporum, & Societatis rebus vtcumque compositis, contemplandi ftudio feceffit in villam, quam non longè ab æde fanctæ Balbinæ, ad Thermas Antonianas, in vsum præcipuè Romani Collegij, amicorum benignitate nuper exftroxit. Ibi, vel tectorio noui operis male acceptus, vel vrgente iam fenio, letalem in febrem incidit; fic, vt cum eius intima vrerentur præcordia, nullus in facie pallor, nulla in toto corpore figna mortis exifterent: tantum infolita quædam lafitudo in membris ac motu apparebat. Itaq; domum relatus, in lectulo collocatur. accerfiti confestim medici, bono animo iubêt nosftros effe. At ille cum fibi vltimum diem inftare sentiret, mirantibus cæteris, mifit qui à fupmo Pontifice fibi decedenti falutarem expiationem & indulgentiam ritu catholico precaretur. deinde cum ad multam noctem de more vigilaffet, quinetiam nonnulla cū domesticis in rem Collegij tranfegit.

egisset, sopori se dedit: itemq; qui aderat, cubitū discessere, nihil admodum periculi suspicantes. at ecce manē postridiē duo ē fratribus, eius vitæ quotidianæ administri, cubiculum visendi Patris causa introeunt, ad lectulū senfim accedunt, ac præter omniū opinionem vitali spiritu poenē defectum offendunt. Accurritur illicō ad socios: alij ad medicum aduolant: alij interea ad refocillandas vires (vt assolet) iusculum porrigunt: quibus ille cum nihil iam opus esse dixisset, Iesum inter mortuis vocibus identidem appellās, placidissimē efflauit animā hora post Solis ortum prima, feria sexta, pridie Calē. Augusti, anno post Christū natum M. D. LVI. Qui verō ad Pontificē pridie sub vesperā fuerat destinatus, quod nihil tale metueret, re in proximam lucē dilata, cum quod volebat, statim impetraffet libente Pontifice, & verbis amicissimis Ignatiū prosequente, grauiter deinde semet incusans, tempori nō occurrit. Defuncti corpus tū inspiciendi, tū exenterādi causa dissectum, summā viri abstinentiam & sobrietatē liquidō

comprobauit, siquidem & stomachus venterq; prorsus inanis, & præ siccitate diuturna mire contractus apparuit: & iecur ea ipsa de causa ita obduratum aridumq;, vt pœnè lapidesceret. Sanè Realdus Columbus, egregius ea tempestate sector, qui aperiendo interfuit, in hepatis vena, quæ Porta dicitur, lapides tres sese inuenisse testatur in suo de Anatomia libro. vt pro miraculo non leui habitū sit, vitalibus adeo affectis, ac propemodum exustis, hominē tantū diu viuere potuisse, præsertim hilari semper eodemq; vultu exsequentem Præpositi Generalis officia & munera. Mortuus est autem anno ætatis quinto & sexagesimo, suę conuersionis fermè trigesimo quinto, confirmatæ verò Societatis sextodecimo. quam ille tam exiguo temporis interuallo tam longe lateq; propagatam reliquit; vt iam tum ab ipso constitutæ numerarentur prouinciæ duodecim, & in ijs varia nostrorum domicilia fere centum. Vulgata eius morte, ingens confestim hominum concursus visendi causa domum est factus, atq; hi manus, hi

pe-

pedes certatim exosculari : alij rosaria quæ vocantur, applicare corpori, multi etiam, pilei, vestiumque, quibus uti consueuerat, frustulum aliquod enixè rogare: quibus tamen modestiæ gratia nihil à nostris est datum. Corpus in eodem cubiculo vbi exspirauerat, biduo fermè seruatum, sabbato sub vesperâ inclusum arce, post exsequias mira populi frequentia celebratas, in templo nostro ad dextrum latus aræ maximæ humatum est, ac statim præsentem opem ex Ignatij patrocini nostri sentire. Non enim, vt multi putarant, orba tali parente Societas mœrori se dedit, aut concidit : quinimmo stetere animis Patres, perq; omnes ordines insolita quædam suauitas spiritus, & mentium vigor ad subeundos Christi causa labores, & cœpta strenuè promouenda peruasit.

LIBRI SECVNDI FINIS.

R iij DE